



Pigo Moja la Maisha Katika

Uumbaji Wote

Fikirini maua ya mashamba, jinsi yameavyo.—**Mathayo 6:28.**

Milima na mashamba vilikuwa vimejaa maua na, akielekeza kwa katika upya wenye umande wa asubuhi, Yesu alisema, “Fikirini maua ya mashamba, jinsi yameavyo.” Miundo ya kupendeza na rangi nyepesi za mimea na maua yanaweza kuigwa kwa ujuzi wa kibinadamu, lakini ni mguso gani unaoweza kuleta uhai kwa ua moja au jani moja la nyasi? Kila ua la pembezoni mwa barabara chimbuko la kuwepo Kwake ni nguvu ile ile iliyoweka ulimwengu unaonekana kwa namna ya nyota huko juu. Kupitia vitu vyote vilivyoubwa kuna mpwito au pigo moja la uhai kutoka kwa moyo mkuu wa Mungu. Maua ya uwandani yamevikwa na mkono Wake katika mavazi yenye utajiri zaidi kuliko yale yaliyowahi kupamba miili ya wafalme wa dunia...

Ni Yeye aliyetengeneza maua na ambaye alimpa shomoro nyimbo zake anayesema, “Fikirini maua,” “Waangalieni ndege.” Katika uzuri wa vitu vya asili unaweza kujifunza zaidi kuhusu hekima ya Mungu kuliko vile wanazuoni wabobezi wanavyojua. Katika petali za ua, Mungu ameandika ujumbe kwa ajili yako, ulioandikwa kwa lugha ambayo moyo wako unaweza kusoma tu unapojifunza kuachana na masomo ya kutokuaminiana na ubinafsi na mambo yanayoharibu. Kwa nini amekupa ndege wanaoimba na maua laini, kama si upendo uliujaza moyo wa Babu, ambao ungetangaza na kufurahisha njia yako ya maisha? ... Amejaza dunia, anga na mbingu kwa mwangaza wa uzuri ili kukuambia kuhusu mawazo ya upendo Wake kwako. Uzuri wa vitu vyote vilivyoubwa ni mng’ao tu wa utukufu Wake. Ikiwa amejaza ujuzi wa ajabu kwenye vitu vya asili kwa namna hiyo, kwa ajili ya kukupatia furaha na shangwe, unaweza kuwa na mashaka kwamba atakupatia kila baraka inayohitajika?

“Fikirini maua.” Kila ua linalofungua petali zake kwa mwangaza wa jua linatii sheria kuu zile zile zinazoongoza nyota, na maisha yake ni rahisi, ya kupendeza na yenye ladha! Kupitia katika maua haya, Mungu anataka kutufanya tuelewe uzuri wa tabia kama ya Kristo. Yeye aliyetoa uzuri huo kwa maua anataka zaidi sana kwamba roho iwe imevaa uzuri wa tabia ya Kristo...

Nani angeweza kufikiria uwezekano wa uzuri katika tunguu ngumu ya kahawia ya ua? Lakini wakati uhai wa Mungu, uliofichwa ndani yake; unapofunguka kwa mwito wake katika mvua na mwangaza wa jua, watu hushangaa kwa maono ya kupendeza na uzuri. Vivyo hivyo, uhai wa Mungu utafunguka katika kila nafsi ya mtu itakayojisalimisha kwa huduma ya neema Yake, ambayo, ikiwa huru kama mvua na mwangaza wa jua, inakuja na baraka zake kwa wote. Ni neno la Mungu linaloumba maua, na neno hilo hilo litazalisha ndani yako sifa nzuri za Roho Wake (Thoughts from the Mount of Blessing, 95-97).